

# Paiheretia

---

Mirimiria, mirimiria taku taura here takata  
Ka hūtia ka rau matua, Hāpenepene te mata ki te para  
Haea ana te wehewehe a Rakinui i a Pokohāruatepō  
Ka tū ko Aoraki, Rakirua, Rakiroa, Rārakiroa te taumata o te rā

Ka tiritiri o te moana, Tū Te Raki Whānoa nānā whakatika ai te  
waka o āoraki  
He whītau ka herehere ki te maiaorere o ka raki.

Whai ana te ara matua ka puta ko tautoru, ko puaka ki ruka  
Haramai ko Tawera te whetū o te ata.

Rurukutia te rauawa tapu o Uruao  
Nānā ko Rākaihautū urukihia te Tautari Nui o Matariki e

Ka roko anō te manu a Rehua, te tātarakihi e tāwara ana ki a  
Hineraumati  
Rārakahia ka whenu o tō Korowai ki te mana, ki te ihi, ki te wana  
o tawhito  
Ka pō, ka ao, ka ao, ka awatea  
Paiheretia taku taura here e